

Razrješenje s dužnosti ministra unutrašnjih poslova Kantona 3

Visoki predstavnik Carlos Westendorp je razriješio dužnosti Ferida Hodžića, ministra unutrašnjih poslova Tuzlansko-podrinjskog kantona (TPK, Kanton 3) zbog nepodržavanja vladavine zakona i neizvršavanja svojih dužnosti. Ova odluka stupa na snagu odmah.

Gospodin Hodžić je direktno smetao u obavljanju istraga koje su u toku, a koje se odnose na navode o prevari, korupciji, organizovanom kriminalu i zloupotrebi službenog položaja protiv premijera TPK-a Hazima Vikala i drugih.

Ovih dana je gospodin Hodžić povukao Osmana Osmanovića sa dužnosti šefa Jedinice za organizirani kriminal Policije TPK-a. Ovaj potez predstavlja jasnu opstrukciju važnih istražnih aktivnosti Kantonalne policije i drugih organa.

Visoki predstavnik poziva sve zvaničnike u TPK da pomenute navode istraže u potpunosti, korektno, nepristrasno i transparentno.

Visoki predstavnik i međunarodna zajednica su opredijeljeni da sarađuju sa lokalnim zvaničnicima u borbi protiv prevare, korupcije i privrednog kriminala, i da osiguraju da od sredstava koje donira međunarodna zajednica i poreza koje plaćaju građani u tom području imaju koristi građani, a ne kriminalci.

Visoki predstavnik takođe poziva sve javne zvaničnike u Bosni i Hercegovini da u svoj rad unesu transparentnost.